

Oqaluuserisassanut nassuiaat.

(Inatsisartut Siulittaasoqarfiat)

Inatsisartunut ilaasortaq Mimi Karlsen, Inuit Ataqtigiit, UKA 2013-p naa-nissaata tungaanut sulinnigiffeqarnissaminik qinnuteqarpoq taammaatumillu sinniisussaanik aggersaanissaq Siulittaasoqarfiup akuerisimallugu.

Qinigaanerup Misilinneqarnissaanut Ataatsimiititaliap Inuit Ataqtigiit sinnii-sussaatitaata Ove Karl Berthelsenip qinigaasinnaanera akuersissutigisimavaa.

Mimi Karlsenimut sinniisussatut Ove Karl Berthelsenip Inatsisartut ataatsi-miinneranni peqataanissaa Inatsisartut akuersissutigissagaat matumuuna inassutigaaara.

Akerliusoqarnerluni

Ove Karl Berthelsen tikilluarit, Inatsisartuni inissannut ingissinnaavutit.

Inatsisartuni ilaasortaaqtigiit siulittaasuisa ataatsimeeqatigineqareernerata ki-ngorna UKA2013-ip ingerlanera Siulittaasoqarfiup nutaamik nalilersimavaa. Immikkoortut amerlavallaat kinguartinneqartarnertik pissutigalugu eqitersi-mammata UKA2013-ip sivitsorneqarnissaa pisariaqalersimavoq. Taamaattumik ullut ataatsimiiffiusussat immikkut nutaanik sisamanik ilaneqarput.

Maanna ulloq 27. november ullortut kingullertut ataatsimiiffiusussanngorallarpoq siusinnerusukkut naammassineqarsinnaanera ammatinneqarluni. Pingasunngornikkut akunnerinit apeqquteqarfiusinnaasut marlunnik ilaneqarput. Sisamanngornermi ulloq 24. oktober ataatsimiinneq nal. 13.00 aallartissaaq, pilersaarutaaqqaartut nal. 10.00 aallartigani. UKA2013-imut ullunut sinneruttunut oqaluuserisassat ullumi agguanneqarput.

Imm. 66:

Angajoqqaat meeqqaminnik arsaagaasimasut angusassamik toraagaqarluni suliniarfineqarnissaanut siunnersuusioqqullugit Naalakkersuisut peqqune-qarnissaannik Inatsisartut aalajangiiffigisassaattut siunnersuut. Angusassamik toraagaqarluni suliniarnermi siunertarineqassaaq 2014-imi upernaanerani ataatsimiinnissami, angajoqqaat meeqqaminnik arsaagaasimasut angajoqqaatut isumassuisinnaanikkullu nukittorsarneqarnissaat,

taamaasillutik meeqqat angajoqqaaminnut angerlaqqissinnaaqqullugit. Immikkoortoq pineqartoq ulloq 16. oktober siullermeerneqartussaagaluarpoq.

Immikkoortoq siunnersuutigineqarpoq ulloq 7. november siullermeerne-qassasoq.

Imm. 72:

Ukioq 2015 pinngitsaaliisarnernut akiuniarfittut ukiunngortinneqarnissaa pillugu Naalakkersuisut peqquneqarnissaannik Inatsisartut aalajangiiffigisas-saattut siunnersuut. Immikkoortoq pineqartoq ulloq 17. oktober siullermeer-neqartussaagaluarpoq.

Immikkoortoq siunnersuutigineqarpoq ulloq 12. november siullermeerneqassasoq.

Imm. 103:

Raajanut akitsuutit pillugit Inatsisartut inatsisaata allanngortinneqarneranik Inatsisartut inatsisissaattut siunnersuutip aappassaaneerneqarnera kipitiinnar-neqarpoq ataatsimiititaliamullu suliarineqaqqittussanngortinneqarluni.

Immikkoortoq ulloq 5. november aappassaaneerneqarluni ulloq 13. november pingajussaaneerneqarnissaa siunnersuutigineqarpoq.

Imm. 80:

Kalaallit Nunatsinni innuttaasut amerlanerit kalaallisut oqalussinnaa-lernissaannik periusissiatut iliuusissanut pilersaarummik kingusinnerpaamik Inatsisartut 2014-mi upernaakkut ataatsimiinneranni saqqummiunneqartussamut Naalakkersuisut suliaqaqqullugit Inatsisartut aalajangiiffigisassaattut siun-nersuut.

Immikkoortoq siunnersuutigineqarpoq ulloq 7. november aappassaaneer-neqassasoq.

Imm. 100:

Aningaasarsianit akileraarutit pillugit Inatsisartut inatsisaata allanngortinneqar-neranik Inatsisartut inatsisaat. Immikkoortoq pineqartoq ulloq 23. oktober pingajussaaneerneqartussaagaluarpoq.

Immikkoortoq siunnersuutigineqarpoq ulloq 5. november pingajussaaneerne-qassasoq.

Imm. 101:

Qalerallit avataasiorluni aalisarnermi pisarineqartut akitsuutaat pillugu Inatsisartut inatsisaata nr. 11, 3. december 2012-imeersup allanngortinneqarneranik Inatsisartut inatsisaat.

Immikkoortoq pineqartoq ulloq 23. oktober pingajussaaneerneqartussaagaluarpoq.

Immikkoortoq siunnersuutigineqarpoq ulloq 5. november pingajussaaneerneqassasoq.

Imm. 102:

Inuit biilii biilillu assartuutit innaallagissamik brintimillu ingerlatillit eqqunneqarneranni nioqutissanik eqqussuinermi akitsuummik aamma qamutit motorillit akileraarutaannik akiliinngikkallarnissamik Inatsisartut inatsisaat. Immikkoortoq pineqartoq ulloq 23. oktober pingajussaaneerseqartussaagalarpoq.

Immikkoortoq siunnersuutigineqarpoq ulloq 5. november pingajussaaneerne-qassasoq.

Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliaq qinnuteqarpoq

imm. 78-p:

Atuarfik pillugu Inatsisartut inatsisaat nr. 15, 3. december 2012-imeersumi § 25, imm. 4-imi aamma § 36, imm. 1-imi aalajangersarneqartut naapertorlugit meeq-qanut inuusuttunullu inerikkiartornermikkut kingusissunut nerisaqarfigi-utigalugu atuarfittut immikkut ilusiligaasumik suli ataatsimik pilersitseqqullugit ingerlatseqqullugillu Naalakkersuisut peqquneqarnissaannik Inatsisartut aalajangiiffigisassaattut siunnersuutip aappassaaneerseqarnissaata UPA 2014-mut kinguartinneqarnissaanik. Immikkoortoq pineqartoq aappassaaneerseqartussaagalarpoq ulloq 7. november.

Inatsisinut Ataatsimiititaliaq qinnuteqarpoq

imm. 17-p:

Uunga siunnersuut: Meeqqanut inatsisip Kalaallit Nunaanni meeqqat inatsi-sitigut inissisimanerat pillugu inatsit nr. 197, 16. juuni 1962-imeersoq naaper-torlugu allannguutissap atuutilernissaanut aalajangiiffigisassatut siunnersuut kiisalu inatsit nr. 154, 27. maaji 1964-imeersoq Kalaallit Nunaanni kingornussi-sarnermut tunngasoq pillugu Inatsisartunut aalajangiiffigisassatut siunnersuutip aappassaaneerseqarnissaata kinguartinneqarnissaanik. Immikkoortoq pineqartoq ulloq 24. oktober aappassaaneerseqartussaagalarpoq.

Immikkoortoq siunnersuutigineqarpoq ullormi ataatsimiiffimmi kingullermi aappassaaneerseqassasoq.

Ilaqutariinnermut Peqqissutsimullu Ataatsimiititaliaq qinnuteqarpoq

imm. 29-p:

Inoqutigiiit isertitaasa annertussusaat aallaavigalugu utoqqalinersiat ilanngaateqartinneqartarnerisa atorunnaarsinneqarnissaa siunertaralugu Utoqqalinermi pensionisiat pillugit Inatsisartut peqqussutaat nr. 3, 7. maj 2007-imeersup Naalakkersuisut kingusinnerpaamik UKA14-mi allangortitsinissaat pillugu Inatsisartuni aalajangiiffigisassatut siunnersuutip amma

imm. 32-p:

Utoqqalinersiuteqartut angerlarsimaffimmini ikiorteqartarnerminnut akilii-sarunnaarnissaat siunertaralugu Inatsisartut peqqussutaat nr. 15, 20. november 2006-imeersumi § 29-ip allangortinneqarnissaa siunertaralugu Naalakkersuisut siunnersuummik saqqummiusseqqullugit peqquneqarnissaannik Inatsisartut aalajangiiffigisassaattut siunnersuutip

aappassaaneerneqarnissaasa kinguartinneqarnissaannik. Immikkoortut pine-qartut ulloq 24. oktober aappassaaneerneqartussaagaluarput.

Immikkoortut siunnersuutigineqarput ullormi ataatsimiiffimmi kingullermi aappassaaneerneqassasut.

Piffissami ullumi oktobarip 22-aniit 24-at ilanngullugu Inatsisartunut ilaasortat

Kim Kielsen, Siumut aamma Kuupik Kleist, Inuit Ataqatigiit kiisalu

ullumi ataatsimiinnermi,

Kristian Jeremiassen, Siumut aamma Andreas Uldum, Demokraatit taasisarnerit pillugit isumaqatigiissuteqarput.